

**ЎЗБЕКИСТОН РЕСПУБЛИКАСИ**  
**ҚОНУН ҲУЖЖАТЛАРИ**  
**ТЎПЛАМИ**

**45-46-сон**  
**(129-130)**  
**2004 й.**  
**ноябрь**

---

---

*Ўзбекистон Республикаси Қонун ҳужжатлари тўплами беш бўлимдан иборат:*

*тўпламнинг биринчи бўлимида Ўзбекистон Республикаси қонунлари ва Олий Мажлиснинг қарорлари эълон қилинади;*

*иккинчи бўлимда Ўзбекистон Республикаси Президентининг фармон ва фармойишлари эълон қилинади;*

*учинчи бўлимда Вазирлар Маҳкамасининг қарор ва фармойишлари эълон қилинади;*

*тўртинчи бўлимда Ўзбекистон Республикаси Конституциявий судининг қарорлари эълон қилинади;*

*тўпламнинг бешинчи бўлимида вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуқий ҳужжатлари эълон қилинади.*

**МУНДАРИЖА**

*Учинчи бўлим*

469. «Улгуржи ва чакана савдо фаолиятини рўйхатдан ўтказиш ва амалга ошириш тартиби тўғрисидаги низомга қўшимча киритиш ҳақида» Ўзбекистон Республикаси Вазирлар Маҳкамасининг 2004 йил 8 ноябрдаги 530-сон қарори
470. «Ўзбекистон Республикаси Ҳукуматининг айрим қарорларига ўзгартиришлар киритиш тўғрисида» Ўзбекистон Республикаси Вазирлар Маҳкамасининг 2004 йил 9 ноябрдаги 531-сон қарори
471. «Ўзбектўқимачимаш» ишлаб чиқариш бирлашмасини тугатиш масалалари тўғрисида» Ўзбекистон Республикаси Вазирлар Маҳкамасининг 2004 йил 16 ноябрдаги 542-сон қарори [Кўчирма]
472. «Қозоғистон Республикаси билан ҳамкорликни янада ривожлантириш чоратадбирлари тўғрисида» Ўзбекистон Республикаси Вазирлар Маҳкамасининг 2004 йил 18 ноябрдаги 547-сон қарори

*Бешинчи бўлим*

473. «Бир қарз олувчи ёки бир-бирига дахлдор қарз олувчилар гуруҳига таваккалчиликнинг энг кўп миқдори тўғрисидаги низомга қўшимчалар киритиш ҳақида» Ўзбекистон Республикаси Марказий банки Бошқарувининг 2004 йил 23 октябр-

- даги 23/1-сон қарори. (*Ўзбекистон Республикаси Адлия вазирлиги томонидан 2004 йил 10 ноябрда 557-4-сон билан давлат рўйхатидан ўтказилди*)
474. «Хўжалик юритувчи субъектлар томонидан давлат улуши акцияларига (давлат пайига) дивидендлар ҳисобланиши, тўланиши ва улардан мақсадли фойдаланишни назорат қилиш тартиби тўғрисидаги низомга ўзгартириш киритиш ҳақида» Ўзбекистон Республикаси Молия вазирлиги, Давлат мулки қўмитаси, Давлат солиқ қўмитасининг 2004 йил 29 октябрдаги 118, 01/06-18, 2004-61-сон қарори. (*Ўзбекистон Республикаси Адлия вазирлиги томонидан 2004 йил 10 ноябрда 1121-1-сон билан давлат рўйхатидан ўтказилди*)
475. «Ўзстандарт» агентлигида стандартлаштириш бўйича норматив ҳужжатлар тоифаларини тайёрлаш ва рўйхатдан ўтказиш тартиби тўғрисидаги низомни тасдиқлаш ҳақида» Ўзстандарт агентлиги бош директорининг 2004 йил 8 ноябрдаги 362-сон буйруғи. (*Ўзбекистон Республикаси Адлия вазирлиги томонидан 2004 йил 11 ноябрда 1422-сон билан давлат рўйхатидан ўтказилди*)
476. «Инвестиция фонднинг соф активларини баҳолаш тартиби тўғрисидаги низомга ўзгартиришлар киритиш ҳақида» Ўзбекистон Республикаси Давлат мулки қўмитаси, Молия вазирлигининг 2004 йил 25 октябрдаги 01/06-19, 116-сон қарори. (*Ўзбекистон Республикаси Адлия вазирлиги томонидан 2004 йил 12 ноябрда 840-1-сон билан давлат рўйхатидан ўтказилди*)
477. «Фермер хўжаликларининг давлат эҳтиёжлари учун харид қилинадиган пахта ва ғалла етиштириш харажатларини тижорат банклари томонидан кредитлаш тартиби тўғрисидаги низомга ўзгартиришлар киритиш ҳақида» Ўзбекистон Республикаси Молия вазирлиги, Ўзбекистон Республикаси Марказий банки Бошқарувининг 2004 йил 1 ноябрдаги 117, 242-В-1-сон қарори. (*Ўзбекистон Республикаси Адлия вазирлиги томонидан 2004 йил 16 ноябрда 1295-1-сон билан давлат рўйхатидан ўтказилди*)
478. «Тижорат банклари томонидан фермер хўжаликларига, ўз фаолиятини юридик шахс ташкил этиб амалга ошираётган кичик бизнеснинг бошқа субъектларига миллий ва хорижий валютада микрокредитлар бериш тартибига ўзгартиришлар киритиш тўғрисида» Ўзбекистон Республикаси Марказий банки Бошқарувининг 2004 йил 6 ноябрдаги 24/16-сон қарори. (*Ўзбекистон Республикаси Адлия вазирлиги томонидан 2004 йил 16 ноябрда 903-6-сон билан давлат рўйхатидан ўтказилди*)
479. «Тижорат банклари томонидан фермер хўжаликларини, кичик бизнес субъектларини миллий валютада кредитлаш тартибига ўзгартириш киритиш тўғрисида» Ўзбекистон Республикаси Марказий банки Бошқарувининг 2004 йил 6 ноябрдаги 24/15-сон қарори. (*Ўзбекистон Республикаси Адлия вазирлиги томонидан 2004 йил 16 ноябрда 907-3-сон билан давлат рўйхатидан ўтказилди*)
480. «Маълумотларни узатиш тармоқларида Интернет-провайдерларнинг тармоқлар аро ўзаро ҳамкорлигини тартибга солиш тартиби тўғрисида низомни тасдиқлаш ҳақида» Ўзбекистон алоқа ва ахборотлаштириш агентлиги бош директорининг 2004 йил 12 ноябрдаги 374-сонли буйруғи. (*Ўзбекистон Республикаси*

*Адлия вазирлиги томонидан 2004 йил 18 ноябрда 1423-сон билан давлат рўйхатидан ўтказилди)*

481. «Ўзбекистон Республикаси юридик шахслари томонидан хорижда корхоналар тузиш ёки уларнинг устав фондлари (капиталлари)да улушли иштирок этиш тўғрисида маълум қилиш тартиби тўғрисидаги низомга ўзгартиришлар киритиш ҳақида» Ўзбекистон Республикаси Ташқи иқтисодий алоқалар агентлиги, Иқтисодиёт вазирлиги, Ташқи ишлар вазирлиги, Молия вазирлиги, Давлат солиқ қўмитаси, Давлат божхона қўмитасининг 2004 йил 15 ноябрдаги 01/10-4232, 05/18365, 45, 120, 2004-64, 01-02/20-33-сонли қарори. (*Ўзбекистон Республикаси Адлия вазирлиги томонидан 2004 йил 18 ноябрда 1012-1-сон билан давлат рўйхатидан ўтказилди*)
482. «Давлат эҳтиёжлари учун харид қилинадиган ғалла ва гуруч-шолига Жамғарма томонидан аванс бериш ва ҳисоб-китоб қилиш учун ажратиладиган маблағларни қайтариш учун дон маҳсулотлари корхоналарининг ғалла, ун ва гуруч-шолени сотишдан тушаётган маблағларини аккумуляция қилиш тартибига ўзгартириш киритиш тўғрисида» Ўзбекистон Республикаси Молия вазирлиги, Марказий банк Бошқарувининг 2004 йил 15 октябрдаги 121, 111-В-5-сон қарори. (*Ўзбекистон Республикаси Адлия вазирлиги томонидан 2004 йил 18 ноябрда 653-4-сон билан давлат рўйхатидан ўтказилди*)
483. «Давлат эҳтиёжлари учун харид қилинадиган қишлоқ хўжалик маҳсулотларининг ҳисоб-китоб жамғармаси томонидан ажратилган маблағларни қайтариш учун пахта толасини сотишдан тушётган маблағларни аккумуляция қилиш тартиби тўғрисидаги низомга ўзгартириш киритиш тўғрисида» Ўзбекистон Республикаси Молия вазирлиги, Марказий банк Бошқарувининг 2004 йил 11 ноябрдаги 122, 218-В-2-сон қарори. (*Ўзбекистон Республикаси Адлия вазирлиги томонидан 2004 йил 19 ноябрда 1149-2-сон билан давлат рўйхатидан ўтказилди*)
484. «Тижорат банклари томонидан шўъба хўжалик жамиятларига қилинган инвестицияларнинг бухгалтерия ҳисобини юритиш тўғрисидаги низомни тасдиқлаш ҳақида» Ўзбекистон Республикаси Марказий банки Бошқарувининг 2004 йил 6 ноябрдаги 24/8-сон қарори. (*Ўзбекистон Республикаси Адлия вазирлиги томонидан 2004 йил 19 ноябрда 1424-сон билан давлат рўйхатидан ўтказилди*)

Вазирликлар, давлат қўмиталари ва идораларининг умумий мажбурий тусдаги меъёрий ҳужжатларини давлат рўйхатидан ўтказиш ҳолати тўғрисида 2004 йил 6 ноябрдан 19 ноябргача бўлган маълумот

## УЧИНЧИ БЎЛИМ

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

### **469** Улгуржи ва чакана савдо фаолиятини рўйхатдан ўтказиш ва амалга ошириш тартиби тўғрисидаги низомга қўшимча киритиш ҳақида

Ўзбекистон Республикаси Вазирлар Маҳкамасининг «Пластик карточкалар асосида ҳисоб-китоб қилиш тизимини янада ривожлантириш чора-тадбирлари тўғрисида» 2004 йил 24 сентябрдаги 445-сон қарорига мувофиқ Вазирлар Маҳкамаси **қарор қилади:**

Вазирлар Маҳкамасининг 2002 йил 26 ноябрдаги 407-сон қарори (Ўзбекистон Республикаси ҚТ, 2002 й., 11-сон, 71-модда; 2003 й., 10-сон, 97-модда) билан тасдиқланган Улгуржи ва чакана савдо фаолиятини рўйхатдан ўтказиш ва амалга ошириш тартиби тўғрисидаги низомнинг 19-бандига қуйидаги мазмундаги хатбоши қўшилсин:

«Чакана савдо корхоналари томонидан товарларни юридик шахсларнинг корпоратив пластик карточкалари бўйича сотиш мазкур банднинг учинчи ва тўртинчи хатбошида назарда тутилган чеклашларсиз амалга оширилиши мумкин».

**Ўзбекистон Республикасининг Бош вазири Ш. МИРЗИЁЕВ**

Тошкент ш.,  
2004 йил 8 ноябрь,  
530-сон

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

## **470 Ўзбекистон Республикаси Ҳукуматининг айрим қарорларига ўзгартиришлар киритиш тўғрисида**

Ўзбекистон Республикаси Вазирлар Маҳкамасининг «Давлат бошқаруви ҳудудий органлари тузилмасини такомиллаштириш тўғрисида» 2004 йил 5 январдаги 2-сон қарорига мувофиқ Вазирлар Маҳкамаси **қарор қилади:**

Ўзбекистон Республикаси Ҳукуматининг иловага мувофиқ айрим қарорларига ўзгартиришлар киритилсин.

**Ўзбекистон Республикасининг Бош вазири Ш. МИРЗИЁЕВ**

Тошкент ш.,  
2004 йил 9 ноябрь,  
531-сон

Вазирлар Маҳкамасининг  
2004 йил 9 ноябрдаги 531-сон қарорига  
ИЛОВА

### **Ўзбекистон Республикаси Ҳукуматининг айрим қарорларига киритилаётган ўзгартиришлар**

1. Вазирлар Маҳкамасининг «Шаҳарлар ва туманлар ҳокимликлари аппарати тузилмасини такомиллаштириш тўғрисида» 1997 йил 30 сентябрдаги 459-сон қарорида:

а) 9б-иловада:

илова номидаги «ва статистика» сўзлари чиқариб ташлансин;

«Ҳоким ўринбосари — бўлим бошлиғи» сўзлари «Бўлим бошлиғи» сўзлари билан алмаштирилсин;

«15» ва «14» рақамлари тегишли равишда «14» ва «13» рақамлари билан алмаштирилсин;

б) 10б-иловада:

илова номидаги «ва статистика» сўзлари чиқариб ташлансин;

«Ҳоким ўринбосари — бўлим бошлиғи» сўзлари «Бўлим бошлиғи» сўзлари билан алмаштирилсин;

«14» рақами «13» рақами билан алмаштирилсин;

в) 11б-иловада:

илова номидаги «ва статистика» сўзлари чиқариб ташлансин;

«Ҳоким ўринбосари — бўлим бошлиғи» сўзлари «Бўлим бошлиғи» сўзлари билан алмаштирилсин;

«15» ва «14» рақамлари тегишли равишда «14» ва «13» рақамлари билан алмаштирилсин;

г) 12б-иловада:

илова номидаги «ва статистика» сўзлари чиқариб ташлансин;

«Ҳоким ўринбосари — бўлим бошлиғи» сўзлари «Бўлим бошлиғи» сўзлари билан алмаштирилсин;

«14» ва «13» рақамлари тегишли равишда «13» ва «12» рақамлари билан алмаштирилсин.

2. Вазирлар Маҳкамасининг «Вилоятлар, шаҳарлар ва туманлар ҳокимликлари ташкилий-кадрлар хизмати мақомини ўзгартириш тўғрисида» 2000 йил 3 августдаги 303-сон қарори 5-бандининг иккинчи хатбошидаги «тенглаштирилган ҳолда» сўзлари «тенглаштирилган ҳолда молиялаштиришни таъминласин» сўзлари билан алмаштирилсин ҳамда учинчи хатбоши ўз кучини йўқотган деб ҳисоблансин.

## ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

### **471** «Ўзбектўқимачимаш» ишлаб чиқариш бирлашмасини тугатиш масалалари тўғрисида

#### [Кўчирма]

«Ўзбектўқимачимаш» ишлаб чиқариш бирлашмасининг молиявий ахvoli узок вақтдан буён қониқарсиз аҳволдалиги, кредиторлик қарзларининг катта миқдордалиги, корхонани иқтисодий ночор аҳволдан чиқаришнинг стратегик режаси йўқлиги муносабати билан Вазирлар Маҳкамаси **қарор қилади:**

1. «Ўзбекенгилсаноат» давлат-акциядорлик компанияси, Ўзбекистон Республикаси Иқтисодиёт вазирлиги, Давлат мулки қўмитасининг «Ўзбектўқимачимаш» ишлаб чиқариш бирлашмаси давлат корхонасини тугатиш тўғрисидаги таклифи қабул қилинсин.

2. «Ўзбектўқимачимаш» ишлаб чиқариш бирлашмасини тугатиш билан боғлиқ ишларни амалга ошириш учун иловага\* мувофиқ таркибда тугатиш комиссияси ташкил этилсин.

3. Тугатиш комиссияси:

«Ўзбектўқимачимаш» ишлаб чиқариш бирлашмасини тугатиш, шу жумладан экология жиҳатидан зарарли ишлаб чиқаришларни, биринчи навбатда чўян қуйиш билан боғлиқ ишлаб чиқаришларни демонтаж қилиш бўйича чора-тадбирлар комплексини қонун ҳужжатларида белгиланган муддатларда ва тартибда амалга оширсин;

корхона мол-мулки хатловдан ўтказилишини ва қўриқланишини таъминлаш, шунингдек тугатиш комиссиясининг ташкилотлар, меҳнат жамоаси, дебиторлар ва кредиторлар олдидаги манфаатларини ифодалаш учун тугатиш бошқарувчисини тайинласин;

кредиторларни аниқласин ва тугатиш вақтидаги вужудга келган кредиторлик қарзларнинг қайтарилишини таъминласин;

оралиқ тугатиш балансини тасдиқласин, унда тугатилаётган корхона мол-мулкининг таркиби, кредиторлар томонидан қўйилган талаблар рўйхати, шунингдек уларни қўриб чиқиш натижалари тўғрисидаги маълумотларни акс эттирсин;

сотиладиган мол-мулк ва объектлар рўйхатини аниқласин;

\* Илова берилмайди.

енгил саноат корхоналари учун эҳтиёт қисмлар, узеллар ва бутловчи буюмлар ишлаб чиқариш, шунингдек тайёр тикувчилик ва трикотаж буюмлари ишлаб чиқариш бўйича қўшма корхоналар ташкил этиш имконияти мавжуд бўлган объектлар (бинолар ва иншоотлар) рўйхатини аниқласин. Белгилансинки, ушбу объектлар «Ўзбекенгилсаноат» давлат-акциядорлик компанияси балансига бепул ўтказилади ва даромад солиғи солиш объекти ҳисобланмайди;

юқорида кўрсатиб ўтилган рўйхатга кирмаган объектлар (бинолар ва иншоотлар) негизда истеъмол товарлари ишлаб чиқариш ва хизматлар кўрсатиш бўйича экология жихатидан тоза бўлган бир қатор корхоналар ташкил этиш юзасидан уч ой муддатда таклифлар ишлаб чиқсин ва Вазирлар Маҳкамасига киритсин.

4. Ўзбекистон Республикаси Иқтисодиёт вазирлиги «Ўзбекенгилсаноат» давлат-акциядорлик компанияси ва Ташқи иқтисодий алоқалар агентлиги билан биргаликда уч ой муддатда Вазирлар Маҳкамасига:

тўқимачилик асбоб-ускуналари ва машиналари ишлаб чиқарувчи, республика енгил саноати корхоналарини замонавийлаштириш ва техника билан қайта жихозлашда қатнашувчи етакчи хорижий ишлаб чиқарувчилар билан ҳозирги вақтда импорт бўйича сотиб олинаётган эҳтиёт қисмлар, узеллар ва бутловчи буюмлар ишлаб чиқарадиган қўшма корхоналар ташкил этиш;

республика енгил саноати учун асбоб-ускуналарни таъмирлаш бўйича ўқув ва сервис марказлари ташкил этиш юзасидан таклифлар киритсин.

5. Ҳозирги вақтда «Ўзбектўқимачимаш» ишлаб чиқариш бирлашмаси эгаллаб турган ҳудудларнинг бир қисми келгусида соғломлаштириш-санитария зонаси ташкил этиш учун Тошкент шаҳар ҳокимлиги балансига ўтказилсин.

Тошкент шаҳар ҳокимлиги Ўзбекистон Республикаси Давлат архитектура ва қурилиш қўмитаси билан келишган ҳолда тугатилаётган «Ўзбектўқимачимаш» ишлаб чиқариш бирлашмаси ҳудудининг бир қисми белгилангандан ва берилгандан кейин уч ой муддатда бино ва иншоотларнинг бузилишини таъминласин ҳамда соғломлаштириш ва санитария зонасини ташкил этсин.

7. Белгилаб қўйилсинки, тугатилаётган «Ўзбектўқимачимаш» ишлаб чиқариш бирлашмасининг мол-мулкани сотиш фақат тугатиш комиссияси қарорига биноан қуйидаги тартибда амалга оширилади:

асбоб-ускуналар, инвентарлар, хом ашё ва материаллар, тайёр маҳсулотлар захиралари ҳамда бошқа моддий бойликлар кўчмас мулк биржаси орқали, қонун ҳужжатларида белгиланган тартибда сотилади;

бино ва иншоотлар тендер асосида потенциал инвесторларга, тугатиш комиссияси томонидан белгиланган таркибий ўзгартириш режасига мувофиқ сотилади.

8. Белгилансинки, тугатилаётган «Ўзбектўқимачимаш» ишлаб чиқариш бирлашмасининг мол-мулкани сотишдан тушган маблағлар тугатиш ишлари бўйича харажатларни қоплашга ҳамда корхонанинг кредиторлик қарзларини банкротлик тўғрисидаги қонун ҳужжатларида белгиланган навбат бўйича тўлашга йўналтирилади.

9. Ўзбекистон Республикаси Меҳнат ва аҳолини ижтимоий муҳофаза қилиш вазирлиги тугатиш комиссияси билан биргаликда «Ўзбектўқимачимаш» ишлаб чиқариш бирлашмасининг тугатилиши муносабати билан бўшаб қоладиган ходимларни ишга жойлаштириш чора-тадбирларини кўрсин.

10. «Ўзбектўқимачимаш» ишлаб чиқариш бирлашмаси Ўзбекистон Республикаси Вазирлар Маҳкамасининг «Машинасозлик тармоғини ислоҳ қилиш чора-тадбирлари тўғрисида» 2004 йил 5 майдаги 208-сон қарорига 2-иловадан чиқариб ташлансин.

11. Мазкур қарорнинг бажарилишини назорат қилиш Ўзбекистон Республикасининг Бош вазири Ш.М. Мирзиёев зиммасига юклансин.

**Вазирлар Маҳкамасининг Раиси И. КАРИМОВ**

Тошкент ш.,  
2004 йил 16 ноябрь,  
542-сон

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

## **472 Қозоғистон Республикаси билан ҳамкорликни янада ривожлантириш чора-тадбирлари тўғрисида**

Ўзбекистон ва Қозоғистон Давлат бошлиқлари учрашувининг Астана шаҳрида имзоланган 2004 йил 28 майдаги Протоколини бажариш юзасидан ҳамда Ўзбекистон Республикаси билан Қозоғистон Республикаси ўртасидаги савдо-иқтисодий алоқаларни янада ривожлантириш, автомобилларда ташувлар соҳасидаги ҳамкорликни кенгайтириш мақсадида, шунингдек «Ўзбекистон Республикасининг халқаро шартномалари тўғрисида»ги Ўзбекистон Республикаси Қонунининг 20-моддасига мувофиқ Вазирлар Маҳкамаси **қарор қилади:**

1. Ўзбекистон Республикаси Ҳукумати ва Қозоғистон Республикаси Ҳукумати ўртасида 1998 йил 31 октябрда Тошкент шаҳрида имзоланган Божхона ишларида ҳамкорлик тўғрисидаги Битим тасдиқлансин.

2. Ўзбекистон Республикаси Ташқи ишлар вазирлиги кўрсатиб ўтилган халқаро шартноманинг кучга кириши учун зарур бўлган давлат ички тартиботларининг Ўзбекистон Республикаси томонидан бажарилганлиги тўғрисида тегишли билдиришнома юборсин.

3. Ўзбекистон Республикаси Адлия вазирлиги манфаатдор вазирликлар ва идоралар билан биргаликда:

қонун ҳужжатларига мазкур қарордан келиб чиқувчи ўзгартиришлар ва қўшимчалар киритиш юзасидан таклифлар киритсин;

идоравий норматив ҳужжатлар ушбу қарорга мувофиқлаштирилишини таъминласин.

4. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосарлари Р.С. Азимов ва Э.М. Фаниев зиммасига юклансин.

**Вазирлар Маҳкамасининг Раиси И. КАРИМОВ**

Тошкент ш.,  
2004 йил 18 ноябрь,  
547-сон



**БЕШИНЧИ БЎЛИМ**

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ  
ҚАРОРИ

**473** **Бир қарз олувчи ёки бир-бирига дахлдор қарз олувчилар гуруҳига таваккалчиликнинг энг кўп миқдори тўғрисидаги низомга қўшимчалар киритиш ҳақида**

*Ўзбекистон Республикаси Адлия вазирлиги томонидан 2004 йил  
10 ноябрда 557-4-сон билан давлат рўйхатидан ўтказилди*

*(2004 йил 20 ноябрдан кучга киради)*

Ўзбекистон Республикасининг «Ўзбекистон Республикаси Марказий банки тўғрисида»ги Қонуни 7 ва 17-моддаларига асосан Марказий банк Бошқаруви **қарор қилади:**

1. «Бир қарз олувчи ёки бир-бирига дахлдор қарз олувчилар гуруҳига таваккалчиликнинг энг кўп миқдори тўғрисида»ги низомга (1998 йил 2 декабрь, рўйхат рақами 557-сон) иловага мувофиқ қўшимчалар киритилсин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

**Марказий банк Бошқаруви раиси Ф. МУЛЛАЖОНОВ**

Тошкент ш.,  
2004 йил 23 октябрь,  
23/1-сон

Марказий банк Бошқарувининг  
2004 йил 23 октябрдаги 23/1-сонли  
қарорига  
ИЛОВА

**Бир қарз олувчи ёки бир-бирига дахлдор қарз олувчилар гуруҳига таваккалчиликнинг энг кўп миқдори тўғрисидаги низомга қўшимчалар**

1. 2.1 бандининг «1 даражали банк капиталининг» сўзидан кейин «ушбу Низомда кўрсатилган ҳоллардан ташқари» сўзи билан тўлдирилсин.

2. Қўйидаги таҳрирдаги 2.4 банд билан тўлдирилсин:

«2.4. ДАК «Ўзбекенгилсаноат» таркибига кирувчи корхоналар учун бир қарздор ёки ўзаро дахлдор бўлган қарздорлар гуруҳига тўғри келувчи таваккалчилик-

нинг энг юқори даражаси биринчи даражали банк капиталининг 40 фоизидан ошмаслиги керак.

Бунда кредит олиш учун тақдим этилган барча лойиҳалар ўзини ўзи қоплашлиги юзасидан қўшимча экспертизадан ўтказилиши шарт.

Мазкур банд 2007 йил 31 декабргача амалда бўлади.»

ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ  
ЎЗБЕКИСТОН РЕСПУБЛИКАСИ ДАВЛАТ МУЛКИНИ БОШҚАРИШ ВА  
ТАДБИРКОРЛИКНИ ҚўЛЛАБ-ҚУВВАТЛАШ ДАВЛАТ ҚўМИТАСИ  
ЎЗБЕКИСТОН РЕСПУБЛИКАСИ ДАВЛАТ СОЛИҚ ҚўМИТАСИНING  
ҚАРОРИ

**474** Хўжалик юритувчи субъектлар томонидан давлат улуши акцияларига (давлат пайига) дивидендлар ҳисобланиши, тўланиши ва улардан мақсадли фойдаланишни назорат қилиш тартиби тўғрисидаги низомга ўзгартириш киритиш ҳақида

*Ўзбекистон Республикаси Адлия вазирлиги томонидан 2004 йил 10 ноябрда 1121-1-сон билан давлат рўйхатидан ўтказилди*

*(2004 йил 20 ноябрдан кучга киради)*

Ўзбекистон Республикасининг «Хўжалик юритувчи субъектлар фаолиятини давлат томонидан назорат қилиш тўғрисида»ги ва «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонунларига мувофиқ Ўзбекистон Республикаси Молия вазирлиги, Давлат мулкни бошқариш ва тадбиркорликни қўллаб-қувватлаш давлат қўмитаси, Давлат солиқ қўмитаси **қарор қилди:**

1. Ўзбекистон Республикаси Молия вазирлигининг 47-сонли, Давлат мулки қўмитасининг 10-1-48-сонли ва Давлат солиқ қўмитасининг 2002-33-сонли 2002 йил 25 мартдаги қарори билан тасдиқланган «Хўжалик юритувчи субъектлар томонидан давлат улуши акцияларига (давлат пайига) дивидендлар ҳисобланиши, тўланиши ва улардан мақсадли фойдаланишни назорат қилиш тартиби тўғрисида»ги низом (2002 йил 11 апрель, рўйхат рақами 1121 — Меъёрий ҳужжатлар ахборотномаси, 2002 йил 7-сон)нинг 15-банди куйидаги таҳрирда баён этилсин:

«15. Назорат қилувчи орган давлат улуши акцияларига (давлат пайига) дивидендларни ҳисобланиши, тўланиши ва улардан мақсадли фойдаланилиши масалалари бўйича хўжалик юритувчи субъектларда режали текширишларни, қонун бузилиш ҳолатлари мавжуд бўлганда, режадан ташқари текширишларни қонун ҳужжатларида белгиланган тартибда амалга оширади».

2. Ушбу қарор Ўзбекистон Республикаси Адлия вазирлигида рўйхатдан ўтказилгандан кейин 10 кун муддат ўтгач кучга киради.

**Молия вазири С. РАҲИМОВ**

Тошкент ш.,  
2004 йил 29 октябрь,  
118-сон

**Давлат мулкани бошқариш ва тадбиркорликни қўллаб-қувватлаш  
давлат қўмитаси раиси М. АСҚАРОВ**

Тошкент ш.,  
2004 йил 29 октябрь,  
01/06-18-сон

**Давлат солиқ қўмитаси раиси Б. ПАРПИЕВ**

Тошкент ш.,  
2004 йил 29 октябрь,  
2004-61-сон

ЎЗБЕКИСТОН СТАНДАРТЛАШТИРИШ, МЕТРОЛОГИЯ ВА  
СЕРТИФИКАТЛАШТИРИШ АГЕНТЛИГИ БОШ ДИРЕКТОРИНИНГ  
БУЙРУҒИ

## **475** **Ўзстандарт» агентлигида стандартлаштириш бўйича норматив ҳужжатлар тоифаларини тайёрлаш ва рўйхатдан ўтказиш тартиби тўғрисидаги низомни тасдиқлаш хақида**

*Ўзбекистон Республикаси Адлия вазирлиги томонидан 2004 йил  
11 ноябрда 1422-сон билан давлат рўйхатидан ўтказилди*

*(2004 йил 21 ноябрдан кучга киради)*

Ўзбекистон Республикаси Вазирлар Маҳкамасининг 2004 йил 6 июлдаги 318-сонли «Маҳсулотларни сертификатлаштириш тартиботини содалаштиришга доир қўшимча чора-тадбирлар тўғрисида»ги қарорининг ижросини таъминлаш юзасидан **буйраман:**

1. «Ўзстандарт» агентлигида стандартлаштириш бўйича норматив ҳужжатлар тоифаларини тайёрлаш ва рўйхатдан ўтказиш тартиби тўғрисидаги низом иловага\* мувофиқ тасдиқлансин.

2. Ушбу буйруқ Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

\* Иловалар рус тилидаги матнда берилган.

3. Ушбу буйруқни бажарилишини назорат қилиш бош директор ўринбосари А.А. Абдувалиевга юклатилсин.

**Ўзбекистон стандартлаштириш, метрология ва сертификатлаштириш агентлиги бош директори Р. БЎРИЕВ**

Тошкент ш.,  
2004 йил 8 ноябрь,  
362-сон

**ЎЗБЕКИСТОН РЕСПУБЛИКАСИ ДАВЛАТ МУЛКИНИ БОШҚАРИШ ВА  
ТАДБИРКОРЛИКНИ ҚўЛЛАБ-ҚУВВАТЛАШ ДАВЛАТ ҚўМИТАСИ  
ЎЗБЕКИСТОН РЕСПУБЛИКАСИ МОЛИЯ ВАЗИРЛИГИНИНГ  
ҚАРОРИ**

**476 Инвестиция фонднинг соф активларини баҳолаш тартиби тўғрисидаги низомга ўзгартиришлар киритиш ҳақида**

*Ўзбекистон Республикаси Адлия вазирлиги томонидан 2004 йил 12 ноябрда 840-1-сон билан давлат рўйхатидан ўтказилди*

*(2004 йил 22 ноябрдан кучга киради)*

Ўзбекистон Республикасининг «Фаолиятнинг айрим турларини лицензиялаш тўғрисида»ги Қонунига (Ўзбекистон Республикаси Олий Мажлисининг Ахборотномаси 2000 йил 5-6-сон, 142-модда) мувофиқ Ўзбекистон Республикаси Давлат мулкни бошқариш ва тадбиркорликни қўллаб-қувватлаш Давлат қўмитаси ва Молия вазирлиги **қарор қилади:**

1. Ўзбекистон Республикаси Давлат мулкни бошқариш ва тадбиркорликни қўллаб-қувватлаш Давлат қўмитаси ва Ўзбекистон Республикаси Молия вазирлиги томонидан 1998 йил 15 декабрда ва 1999 йил 20 сентябрда 15 ва 91-сон билан тасдиқланган (1999 йил 25 ноябрь, рўйхат рақами 840) Инвестиция фонднинг соф активларини баҳолаш тартиби тўғрисидаги низомга иловага\* мувофиқ ўзгартиришлар киритилсин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

**Давлат мулкни бошқариш ва тадбиркорликни қўллаб-қувватлаш  
Давлат қўмитаси раиси М. АСҚАРОВ**

Тошкент ш.,  
2004 йил 25 октябрь,  
01/06-19-сон

\* Илова рус тилидаги матнда берилган.

Молия вазири С. РАҲИМОВ

Тошкент ш.,  
2004 йил 25 октябрь,  
116-сон

ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ  
ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ  
ҚАРОРИ

**477** Фермер хўжалиklarининг давлат эҳтиёжлари учун харид қилинадиган пахта ва ғалла етиштириш харажатларини тижорат банклари томонидан кредитлаш тартиби тўғрисидаги низомга ўзгартиришлар киритиш ҳақида

*Ўзбекистон Республикаси Адлия вазирлиги томонидан 2004 йил 16 ноябрда 1295-1-сон билан давлат рўйхатидан ўтказилди*

*(2004 йил 26 ноябрдан кучга киради)*

Ўзбекистон Республикаси Вазирлар Маҳкамасининг 2004 йил 6 августдаги 376-сонли «Ўздонмахсулот» давлат акциядорлик корпорациясини «Ўздонмахсулот» акциядорлик компаниясига айлантириш тўғрисида»ги (Ўзбекистон Республикаси Қонун ҳужжатлари тўплами 2004 й., 31-сон, 358-модда) қарори асосида Ўзбекистон Республикаси Молия вазирлиги ва Марказий банк Бошқаруви **қарор қилади:**

1. Фермер хўжалиklarининг давлат эҳтиёжлари учун харид қилинадиган пахта ва ғалла етиштириш харажатларини тижорат банклари томонидан кредитлаш тартиби тўғрисида низомга (2004 йил 6 январь, рўйхат рақами 1295 — Ўзбекистон Республикаси Қонун ҳужжатлари тўплами, 2004 й. январь, 1-2-сон) иловага мувофиқ ўзгартиришлар киритилсин.

2. Ушбу қарор Ўзбекистон Республикаси Адлия вазирлигида рўйхатдан ўтган кундан бошлаб ўн кундан сўнг кучга киради.

Молия вазири С. РАҲИМОВ

Тошкент ш.,  
2004 йил 1 ноябрь,  
117-сон

**Марказий банк Бошқаруви раиси в.в.б. М. ЖУМАГАЛДИЕВ**

Тошкент ш.,  
2004 йил 1 ноябрь,  
242-В-1-сон

Молия вазирлиги, Марказий банки  
Бошқарувининг  
2004 йил 1 ноябрдаги 117, 242-В-1-сон  
қарори билан  
ТАСДИҚЛАНГАН

**Фермер хўжаликларининг давлат эҳтиёжлари учун харид қилинадиган пахта ва ғалла етиштириш харажатларини тижорат банклари томонидан кредитлаш тартиби тўғрисидаги низомга киритилаётган ўзгартиришлар**

1. 3-банд биринчи хатбошидаги «Ўздонмахсулот» ДАК» сўзлари «Ўздонмахсулот» АК» сўзлари билан алмаштирилсин.
2. 7-банд иккинчи хатбошидаги «5 фоиз» ва «2,5 фоиз» сўзлари тегишлича «3 фоиз» ва «2 фоиз» сўзлари билан алмаштирилсин.
3. 11-банддаги «1,25 фоиз» сўзлари «0,75 фоиз» сўзлари билан алмаштирилсин.
4. Мазкур ўзгартиришлар Ўзбекистон Республикаси Қишлоқ ва сув хўжалиги вазирлиги, «Ўзагросуғурта» ДАСК ҳамда Дехқон ва фермер хўжаликлари уюшмаси билан келишилган.

**Қишлоқ ва сув хўжалиги вазирининг биринчи ўринбосари А. ЖЎРАЕВ**

Тошкент ш.,  
2004 йил 29 октябрь

**«Ўзагросуғурта» ДАСК раиси П. КАЗИЕВ**

Тошкент ш.,  
2004 йил 29 октябрь

**Дехқон ва фермер хўжаликлари уюшмаси раиси С. ҚОБУЛОВ**

Тошкент ш.,  
2004 йил 29 октябрь

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ  
ҚАРОРИ**478** Тижорат банклари томонидан фермер хўжаликларига, ўз фаолиятини юридик шахс ташкил этиб амалга ошираётган кичик бизнеснинг бошқа субъектларига миллий ва хорижий валютада микрокредитлар бериш тартибига ўзгартиришлар киритиш тўғрисида

*Ўзбекистон Республикаси Адлия вазирлиги томонидан 2004 йил  
16 ноябрда 903-б-сон билан давлат рўйхатидан ўтказилди*

*(2004 йил 26 ноябрдан кучга киради)*

Ўзбекистон Республикасининг «Ўзбекистон Республикасининг Марказий банки тўғрисида»ги Қонунига мувофиқ ҳамда Ўзбекистон Республикасининг «Фермер хўжалиги тўғрисида»ги Қонуни (янги таҳрири) қабул қилиниши муносабати билан Марказий банк Бошқаруви **қарор қилади:**

1. Марказий банк Бошқаруви томонидан 2000 йил 22 февралда 464-сон билан тасдиқланган «Тижорат банклари томонидан фермер хўжаликларига, ўз фаолиятини юридик шахс ташкил этиб амалга ошираётган кичик бизнеснинг бошқа субъектларига миллий ва хорижий валютада микрокредитлар бериш тартиби»нинг (2000 йил 29 феврал, рўйхат рақами 903 — Меъёрий ҳужжатлар ахборотномаси, 2000 йил 4-сон) 1.4-банди охири хатбошиси куйидаги таҳрирда баён этилсин:

«Фермер хўжалиги ижарага берилган ер участкаларидан фойдаланган ҳолда қишлоқ хўжалиги товар ишлаб чиқариши билан шуғулланувчи, мустақил хўжалик юритувчи субъектдир».

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

**Марказий банк Бошқаруви раиси Ф. МУЛЛАЖОНОВ**

Тошкент ш.,  
2004 йил 6 ноябрь,  
24/16-сон

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ  
ҚАРОРИ**479 Тижорат банклари томонидан фермер хўжаликларини, кичик бизнес субъектларини миллий валютада кредитлаш тартибига ўзгартириш киритиш тўғрисида**

*Ўзбекистон Республикаси Адлия вазирлиги томонидан 2004 йил  
16 ноябрда 907-3-сон билан давлат рўйхатидан ўтказилди*

*(2004 йил 26 ноябрдан кучга киради)*

Ўзбекистон Республикасининг «Ўзбекистон Республикасининг Марказий банки тўғрисида»ги Қонунига мувофиқ ҳамда Ўзбекистон Республикасининг «Фермер хўжалиги тўғрисида»ги Қонуни (янги таҳрири) қабул қилиниши муносабати билан Марказий банк Бошқаруви **қарор қилади:**

1. Марказий банк Бошқаруви томонидан 2000 йил 4 мартда 465-сон билан тасдиқланган «Тижорат банклари томонидан фермер хўжаликларини, кичик бизнес субъектларини миллий валютада кредитлаш тартиби»нинг (2000 йил 7 март, рўйхат рақами 907 — Меъерий ҳужжатлар ахборотномаси, 2000 йил 5-сон) 1.3-банди охири хатбоши қуйидаги таҳрирда баён этилсин:

«Фермер хўжалиги ижарага берилган ер участкаларидан фойдаланган ҳолда қишлоқ хўжалиги товар ишлаб чиқариши билан шуғулланувчи, мустақил хўжалик юритувчи субъектдир».

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

**Марказий банк Бошқаруви раиси Ф. МУЛЛАЖОНОВ**

Тошкент ш.,  
2004 йил 6 ноябрь,  
24/15-сон



ЎЗБЕКИСТОН АЛОҚА ВА АХБОРОТЛАШТИРИШ АГЕНТЛИГИ  
БОШ ДИРЕКТОРИНИНГ БУЙРУҒИ

## **480** Маълумотларни узатиш тармоқларида Интернет-провайдерларнинг тармоқлараро ўзаро ҳамкорлигини тартибга солиш тартиби тўғрисида низомни тасдиқлаш ҳақида

*Ўзбекистон Республикаси Адлия вазирлиги томонидан 2004 йил  
18 ноябрда 1423-сон билан давлат рўйхатидан ўтказилди*

*(2004 йил 28 ноябрдан кучга киради)*

Ўзбекистон Республикаси Маълумотларни узатиш тармоқларида Интернет-провайдерларнинг, телекоммуникациялар операторларининг, шу жумладан маълумотлар узатиш тармоқлари операторларининг тармоқлараро ўзаро ҳамкорлигини тартибга солиш, Ўзбекистон Республикасининг «Телекоммуникациялар тўғрисида»ги Қонуни асосида белгиланган тартиб-қоидаларга риоя қилишларининг ягона тартибини белгилаш ҳамда Ўзбекистон Республикаси Вазирлар Маҳкамасининг 2004 йил 7 майдаги «Ўзбекистон алоқа ва ахборотлаштириш агентлиги фаолиятини такомиллаштириш чора-тадбирлари тўғрисида»ги 215-сон қарорининг бажарилишини таъминлаш мақсадида **буюраман:**

1. Маълумотларни узатиш тармоқларида Интернет-провайдерларнинг тармоқлараро ўзаро ҳамкорлигини тартибга солиш тартиби тўғрисида низом иловага\* мувофиқ тасдиқлансин.
2. Мазкур низом Ўзбекистон Республикаси Адлия вазирлигида давлат рўйхати-га олинганидан ўн кун ўтганидан кейин кучга кириши белгилансин.

**Ўзбекистон алоқа ва ахборотлаштириш агентлигининг  
Бош директори А. АРИПОВ**

Тошкент ш.,  
2004 йил 12 ноябрь,  
374-сон

---

\* Илова рус тилидаги матнда берилган.

ЎЗБЕКИСТОН RESPУБЛИКАСИ ТАШҚИ ИҚТИСОДИЙ  
АЛОҚАЛАР АГЕНТЛИГИ  
ЎЗБЕКИСТОН RESPУБЛИКАСИ ТАШҚИ ИШЛАР ВАЗИРЛИГИ  
ЎЗБЕКИСТОН RESPУБЛИКАСИ ИҚТИСОДИЁТ ВАЗИРЛИГИ  
ЎЗБЕКИСТОН RESPУБЛИКАСИ МОЛИЯ ВАЗИРЛИГИ  
ЎЗБЕКИСТОН RESPУБЛИКАСИ ДАВЛАТ СОЛИҚ ҚЎМИТАСИ  
ЎЗБЕКИСТОН RESPУБЛИКАСИ ДАВЛАТ БОЖХОНА ҚЎМИТАСИНING  
ҚАРОРИ

**481** Ўзбекистон Республикаси юридик шахслари томонидан хорижда корхоналар тузиш ёки уларнинг устав фондлари (капиталлари)да улушли иштирок этиш тўғрисида маълум қилиш тартиби тўғрисидаги низомга ўзгартиришлар киритиш ҳақида

*Ўзбекистон Республикаси Адлия вазирлиги томонидан 2004 йил 18 ноябрда 1012-1-сон билан давлат рўйхатидан ўтказилди*

*(2004 йил 28 ноябрдан кучга киради)*

Ўзбекистон Республикаси Вазирлар Маҳкамасининг 2003 йил 24 июлдаги 325-сонли «Ўзбекистон Республикаси Давлат мулки қўмитасининг кадрлар потенциалини мустаҳкамлаш ва фаолиятини ташкил этишни такомиллаштириш чора-тадбирлари тўғрисида»ги қарори билан тасдиқланган Ўзбекистон Республикаси Давлат мулкини бошқариш ва тадбиркорликни қўллаб-қувватлаш давлат қўмитаси тўғрисидаги низомга (Ўзбекистон Республикаси Ҳукумати қарорлари тўплами, 7-сон 67-банд) мувофиқ, Ўзбекистон Республикаси Ташқи иқтисодий алоқалар агентлиги, Ташқи ишлар вазирлиги, Иқтисодиёт вазирлиги, Молия вазирлиги, Давлат солиқ қўмитаси, Давлат божхона қўмитаси **қарор қилади:**

1. Ташқи иқтисодий алоқалар агентлигининг 2000 йил 6 сентябрдаги ЭГ-В-01/20-4488-сонли, Макроиқтисодиёт ва статистика вазирлигининг 2000 йил 13 сентябрдаги 2-6-6/41-сонли, Ташқи ишлар вазирлигининг 2000 йил 13 сентябрдаги 01/10584-сонли, Молия вазирлигининг 2000 йил 13 сентябрдаги 101-сонли, Давлат солиқ қўмитасининг 2000 йил 7 сентябрдаги 2000-114-сонли, Давлат божхона қўмитасининг 2000 йил 7 сентябрдаги 02/20-56-сонли қарори билан тасдиқланган Ўзбекистон Республикаси юридик шахслари томонидан хорижда корхоналар тузиш ёки уларнинг устав фондлари (капиталлари)да улушли иштирок этиши тўғрисида маълум қилиш тартиби тўғрисидаги низомга (2001 йил 27 февраль, рўйхат рақами 1012-сон — Меъёрий ҳужжатлар ахборотномаси, 2001 йил 3-4-сонлари) иловага\* мувофиқ ўзгартиришлар киритилсин.

2. Мазкур қарор Ўзбекистон Республикаси Адлия вазирлиги томонидан давлат рўйхатидан ўтказилган кундан бошлаб ўн кундан кейин кучга киради.

**Ташқи иқтисодий алоқалар агенлиги раиси Э. ҒАНИЕВ**

Тошкент ш.,  
2004 йил 15 ноябрь,  
01/10-4232-сон

\* Илова рус тилидаги матнда берилган.

**Ташқи ишлар вазири С. САФОЕВ**

Тошкент ш.,  
2004 йил 15 ноябрь,  
05/18365-сон

**Иқтисодиёт вазири Р. АЗИМОВ**

Тошкент ш.,  
2004 йил 15 ноябрь,  
45-сон

**Молия вазири С. РАҲИМОВ**

Тошкент ш.,  
2004 йил 15 ноябрь,  
120-сон

**Давлат солиқ қўмитаси раиси Б. ПАРПИЕВ**

Тошкент ш.,  
2004 йил 15 ноябрь,  
2004-64-сон

**Давлат божхона қўмитаси раиси Б. МАТЛЮБОВ**

Тошкент ш.,  
2004 йил 15 ноябрь,  
01-02/-33-сон

ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ  
ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ  
ҚАРОРИ

**482** Давлат эҳтиёжлари учун харид қилинадиган ғалла ва гуруч-шолига Жамғарма томонидан аванс бериш ва ҳисоб-китоб қилиш учун ажратиладиган маблағларни қайтариш учун дон маҳсулотлари корхоналарининг ғалла, ун ва гуруч-шолини сотишдан тушаётган маблағларини аккумуляция қилиш тартибига ўзгартириш киритиш тўғрисида

*Ўзбекистон Республикаси Адлия вазирлиги томонидан 2004 йил  
18 ноябрда 653-4-сон билан давлат рўйхатидан ўтказилди*

*(2004 йил 28 ноябрдан кучга киради)*

Ўзбекистон Республикаси Молия вазирлиги ва «Ўздонмаҳсулот» АК томонидан 2004 йил 2 октябрда МА-05-05-8/670-сон ва 3-4/170-сон билан тасдиқланган Ғалла, ғаллани дастлабки қайта ишлашдан олинадиган қўшимча маҳсулот ва ғалла чикиндиларининг эркин нархини келишув 19-сонли Баённомасига асосан, ғалла ва уннинг янги улгуржи харид нархлари белгиланганлиги муносабати билан **қарор қиламиз:**

1. Ўзбекистон Республикаси Молия вазирлиги ва Марказий банкининг 1999 йил 8 февралдаги 10-01-сонли ва 111-В-сонли қарори билан тасдиқланган «Давлат эҳтиёжлари учун харид қилинадиган ғалла ва гуруч-шолига Жамғарма томонидан аванс бериш ва ҳисоб-китоб қилиш учун ажратилган маблағларни қайтариш учун дон маҳсулотлари корхоналарининг ғалла, ун ва гуруч-шолини сотишдан тушаётган маблағларини аккумуляция қилиш тартибига»га (1999 йил 27 февраль, рўйхат рақами 653) иловага\* мувофиқ ўзгартириш киритилсин.

2. Ушбу қарор Ўзбекистон Республикаси Адлия вазирлигида рўйхатдан ўтган кундан бошлаб ўн кундан сўнг кучга киради.

**Молия вазири С. РАҲИМОВ**

Тошкент ш.,  
2004 йил 11 ноябрь,  
121-сон

**Марказий банк Бошқаруви раиси Ф. МУЛЛАЖОНОВ**

Тошкент ш.,  
2004 йил 11 ноябрь,  
111-В-5-сон

---

\* Илова рус тилидаги матнда берилган.

ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ  
ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ  
ҚАРОРИ

**483** Давлат эҳтиёжлари учун харид қилинадиган қишлоқ хўжалик маҳсулотларининг ҳисоб-китоб жамғармаси томонидан ажратилган маблағларни қайтариш учун пахта толасини сотишдан тушаётган маблағларни аккумуляция қилиш тартиби тўғрисидаги низомга ўзгартириш киритиш тўғрисида

*Ўзбекистон Республикаси Адлия вазирлиги томонидан 2004 йил  
19 ноябрда 1149-2-сон билан давлат рўйхатидан ўтказилди*

*(2004 йил 29 ноябрдан кучга киради)*

Ўзбекистон Республикаси Молия вазирлиги томонидан 2004 йил 7 сентябрда тасдиқланган 40-02-04-2004-сонли Нархномага асосан 2004 йил ҳосили пахта толасининг янги улгуржи харид нархлари белгиланганлиги муносабати билан **қарор қиламиз:**

1. Ўзбекистон Республикаси Молия вазирлиги ва Марказий банкининг 2002 йил 25 майдаги 66-сонли ва 218-В-сонли қарори билан тасдиқланган «Давлат эҳтиёжлари учун харид қилинадиган қишлоқ хўжалик маҳсулотларининг ҳисоб-китоб жамғармаси томонидан ажратилган маблағларни қайтариш учун пахта толасини сотишдан тушаётган маблағларни аккумуляция қилиш тартиби тўғрисидаги низомга (2002 йил 12 июнь, рўйхат рақами 1149 — Меъёрий ҳужжатлар ахборотномаси, 2002 йил, 11-12-сон, Ўзбекистон Республикаси Қонун ҳужжатлари тўплами, 2004 й., 7-сон, 93-модда) ўзгартириш иловага мувофиқ киритилсин.

2. Ушбу қарор 2004 йил пахта толасини сотишдан бошлаб кучга киради.

**Молия вазири С. РАҲИМОВ**

Тошкент ш.,  
2004 йил 11 ноябрь,  
122-сон

**Марказий банк Бошқаруви раиси Ф. МУЛЛАЖОНОВ**

Тошкент ш.,  
2004 йил 11 ноябрь,  
218-В-2-сон

Молия вазирлиги, Марказий банки  
Бошқарувининг  
2004 йил 11 ноябрдаги  
122, 218-В-2-сон қарорига  
ИЛОВА

**Давлат эҳтиёжлари учун харид қилинадиган қишлоқ хўжалик  
маҳсулотларининг ҳисоб-китоб жамғармаси томонидан  
ажратилган маблағларни қайтариш учун пахта толасини  
сотишдан тушаётган маблағларни аккумуляция қилиш тартиби  
тўғрисидаги низомга киритилаётган ўзгартириш**

1. 2-банд иккинчи хатбошидаги «олтмиш олти фоизи» сўзлари «олтмиш саккиз фоизи» сўзлари билан алмаштирилсин.

2. Мазкур ўзгартириш «Ўзпахтасаноат» уюшмаси ҳамда акциядорлик-тижорат Пахтабанки билан келишилган.

**«Ўзпахтасаноат» уюшмаси Бошқаруви раиси Э. ЗИКРИЁЕВ**

Тошкент ш.,  
2004 йил 10 ноябрь

**АТ «Пахтабанк» Бошқаруви раиси К. ТОШМАТОВ**

Тошкент ш.,  
2004 йил 10 ноябрь

ЎЗБЕКИСТОН RESPUBLIKACI MАРКАЗИЙ БАНКИ БОШҚАРУВИНИНГ  
ҚАРОРИ**484** Тижорат банклари томонидан шўъба хўжалик жамиятларига қилинган инвестицияларнинг бухгалтерия ҳисобини юритиш тўғрисидаги низомни тасдиқлаш ҳақида

*Ўзбекистон Республикаси Адлия вазирлиги томонидан 2004 йил  
19 ноябрда 1424-сон билан давлат рўйхатидан ўтказилди*

*(2004 йил 29 ноябрдан кучга киради)*

Ўзбекистон Республикасининг «Ўзбекистон Республикаси Марказий банки тўғрисида», «Банклар ва банк фаолияти тўғрисида» ва «Бухгалтерия ҳисоби тўғрисида»ги қонунларига мувофиқ Ўзбекистон Республикаси Марказий банки Бошқаруви **қарор қилади:**

1. «Тижорат банклари томонидан шўъба хўжалик жамиятларига қилинган инвестицияларнинг бухгалтерия ҳисобини юритиш тартиби тўғрисидаги низом» иловага\* мувофиқ тасдиқлансин.
2. Мазкур қарор Ўзбекистон Республикаси Адлия вазирлигида давлат рўйхатидан ўтказилган вақтдан бошлаб 10 кундан сўнг кучга киради.
3. Ушбу қарор ижросини назорат қилиш Марказий банк раисининг биринчи ўринбосари М. Р. Жумагалдиев зиммасига юклатилсин.

**Марказий банк Бошқаруви раиси Ф. МУЛЛАЖОНОВ**

Тошкент ш.,  
2004 йил 6 ноябрь,  
24/8-сон

---

\* Илова рус тилидаги матнда берилган.

**Ўзбекистон Республикаси**  
**Адлия вазирлиги маълум қилади:**  
**вазирликлар, давлат қўмиталари ва идораларининг**  
**умумий мажбурий тусдаги меъёрий ҳужжатларини давлат**  
**рўйхатидан ўтказиш ҳолати тўғрисида**  
**2004 йил 6 ноябрдан 19 ноябргача бўлган маълумот**

**I. Давлат рўйхатидан ўтказилди:**

1. «Бир қарз олувчи ёки бир-бирига дахлдор қарз олувчилар гуруҳига таваккалчиликнинг энг кўп миқдори тўғрисидаги низомга қўшимчалар киритиш ҳақида» *Ўзбекистон Республикаси Марказий банки Бошқарувининг 2004 йил 23 октябрдаги 23/1-сон қарори.*

**2004 йил 10 ноябрда 557-4-сон билан рўйхатдан ўтказилди (2004 йил 20 ноябрдан кучга киради).**

2. «Хўжалик юритувчи субъектлар томонидан давлат улуши акцияларига (давлат пайига) дивидендлар ҳисобланиши, тўланиши ва улардан мақсадли фойдаланишни назорат қилиш тартиби тўғрисидаги низомга ўзгартириш киритиш ҳақида» *Ўзбекистон Республикаси Молия вазирлиги, Давлат мулки қўмитаси, Давлат солиқ қўмитасининг 2004 йил 29 октябрдаги 118, 01/06-18, 2004-61-сон қарори.*

**2004 йил 10 ноябрда 1121-1-сон билан рўйхатдан ўтказилди (2004 йил 20 ноябрдан кучга киради).**

3. «Ўзстандарт» агентлигида стандартлаштириш бўйича норматив ҳужжатлар тоифаларини тайёрлаш ва рўйхатдан ўтказиш тартиби тўғрисидаги низомни тасдиқлаш ҳақида» *Ўзстандарт агентлиги бош директорининг 2004 йил 8 ноябрдаги 362-сон буйруғи.*

**2004 йил 11 ноябрда 1422-сон билан рўйхатдан ўтказилди (2004 йил 21 ноябрдан кучга киради).**

4. «Инвестиция фонднинг соф активларини баҳолаш тартиби тўғрисидаги низомга ўзгартиришлар киритиш ҳақида» *Ўзбекистон Республикаси Давлат мулки қўмитаси, Молия вазирлигининг 2004 йил 25 октябрдаги 01/06-19, 116-сон қарори.*

**2004 йил 12 ноябрда 840-1-сон билан рўйхатдан ўтказилди (2004 йил 22 ноябрдан кучга киради).**

5. «Фермер хўжалиқларининг давлат эхтиёжлари учун харид қилинадиган пахта ва ғалла етиштириш харажатларини тижорат банклари томонидан кредитлаш тартиби тўғрисидаги низомга ўзгартиришлар киритиш ҳақида» *Ўзбекистон Республикаси Молия вазирлиги, Ўзбекистон Республикаси Марказий банки Бошқарувининг 2004 йил 1 ноябрдаги 117, 242-В-1-сон қарори.*

**2004 йил 16 ноябрда 1295-1-сон билан рўйхатдан ўтказилди (2004 йил 26 ноябрдан кучга киради).**



6. «Тижорат банклари томонидан фермер хўжаликларига, ўз фаолиятини юридик шахс ташкил этиб амалга ошираётган кичик бизнеснинг бошқа субъектларига миллий ва хорижий валютада микрокредитлар бериш тартибига ўзгартиришлар киритиш тўғрисида» *Ўзбекистон Республикаси Марказий банки Бошқарувининг 2004 йил 6 ноябрдаги 24/16-сон қарори.*

**2004 йил 16 ноябрда 903-6-сон билан рўйхатдан ўтказилди (2004 йил 26 ноябрдан кучга киради).**

7. «Тижорат банклари томонидан фермер хўжаликларини, кичик бизнес субъектларини миллий валютада кредитлаш тартибига ўзгартириш киритиш тўғрисида» *Ўзбекистон Республикаси Марказий банки Бошқарувининг 2004 йил 6 ноябрдаги 24/15-сон қарори.*

**2004 йил 16 ноябрда 907-3-сон билан рўйхатдан ўтказилди (2004 йил 26 ноябрдан кучга киради).**

8. «Маълумотларни узатиш тармоқларида Интернет-провайдерларнинг тармоқлараро ўзаро ҳамкорлигини тартибга солиш тартиби тўғрисида низомни тасдиқлаш ҳақида» *Ўзбекистон алоқа ва ахборотлаштириш агентлиги бош директорининг 2004 йил 12 ноябрдаги 374-сонли буйруғи.*

**2004 йил 18 ноябрда 1423 -сон билан рўйхатдан ўтказилди (2004 йил 28 ноябрдан кучга киради).**

9. «Ўзбекистон Республикаси юридик шахслари томонидан хорижда корхоналар тузиш ёки уларнинг устав фондлари (капиталлари)да улушли иштирок этиш тўғрисида маълум қилиш тартиби тўғрисидаги низомга ўзгартиришлар киритиш ҳақида» *Ўзбекистон Республикаси Ташқи иқтисодий алоқалар агентлиги, Иқтисодиёт вазирлиги, Ташқи ишлар вазирлиги, Молия вазирлиги, Давлат солиқ қўмитаси, Давлат божхона қўмитасининг 2004 йил 15 ноябрдаги 01/10-4232, 05/18365, 45, 120, 2004-64, 01-02/20-33-сонли қарори.*

**2004 йил 18 ноябрда 1012-1-сон билан рўйхатдан ўтказилди (2004 йил 28 ноябрдан кучга киради).**

10. «Давлат эҳтиёжлари учун харид қилинадиган ғалла ва гуруч-шолига Жамғарма томонидан аванс бериш ва ҳисоб-китоб қилиш учун ажратиладиган маблағларни қайтариш учун дон маҳсулотлари корхоналарининг ғалла, ун ва гуруч-шолини сотишдан тушаётган маблағларини аккумуляция қилиш тартибига ўзгартириш киритиш тўғрисида» *Ўзбекистон Республикаси Молия вазирлиги, Марказий банк Бошқарувининг 2004 йил 15 октябрдаги 121, 111-В-5-сон қарори.*

**2004 йил 18 ноябрда 653-4-сон билан рўйхатдан ўтказилди (2004 йил 28 ноябрдан кучга киради).**

11. «Давлат эҳтиёжлари учун харид қилинадиган қишлоқ хўжалик маҳсулотларининг ҳисоб-китоб жамғармаси томонидан ажратилган маблағларни қайтариш учун пахта толасини сотишдан тушаётган маблағларни аккумуляция қилиш тартиби тўғрисидаги низомга ўзгартириш киритиш тўғрисида» *Ўзбекистон Республикаси Молия вазирлиги, Марказий банк Бошқарувининг 2004 йил 11 ноябрдаги 122, 218-В-2-сон қарори.*

**2004 йил 19 ноябрда 1149-2-сон билан рўйхатдан ўтказилди (2004 йил 29 ноябрдан кучга киради).**

12. «Тижорат банклари томонидан шўъба хўжалик жамиятларига қилинган

инвестицияларнинг бухгалтерия ҳисобини юритиш тўғрисидаги низомни тасдиқлаш ҳақида» Ўзбекистон Республикаси Марказий банки Бошқарувининг 2004 йил 6 ноябрдаги 24/8-сон қарори.

2004 йил 19 ноябрда 1424-сон билан рўйхатдан ўтказилди (2004 йил 29 ноябрдан кучга киради).